

ქუჩური ანუ ჩიჩილაკი: წმინდა კოლხური ძირძველი სარწმუნოების - ქირსიანობის სიმბოლო?

მილორდ სიჭინავა
ეკონომიკურ მეცნიერებათა დოქტორი,
პროფესორი

**„ერის დაცემა და გათახსირება მაშინ იწყება,
როცა ერი, თავის საუბედუროდ, თავის ისტორიას ივიწყებს“**

ილია

რეზიუმე

სტატია ეძღვნება საქართველოში დღემდე შემორჩენილი შობა-საახალწლო დღესასწაულის ერთ-ერთი უძველესი საკულტო საგნის - ქუჩურის ანუ ჩიჩილაკის, როგორც წმინდა კოლხური ძირძველი სარწმუნოების - ქირსიანობის სიმბოლოს, დასაბუთებას. თემის აქტუალობა, ავტორის აზრით, რიგ სხვა მიზეზთა პარალელურად, განაპირობა ბოლო ხანებში მიმდინარე მისმა სრულიად შეუსაბამო სახეცვლილებამ და ასევე იმანაც, რომ ერის არამატერიალური კულტურული მემკვიდრეობის ძეგლის სტატუსით იუნესკოში წარდგენის მიუხედავად, მან ჯერ კიდევ ვერაფრით დაიმსახურა აღნიშნული სტატუსი.

ნაშრომში მოცემულია შობა-საახალწლო, ანუ იგივე ქირსე-საკალანდო თარიღის (დეკემბრის 25-დან 6 იანვრამდე) განსაზღვრისა და შესაბამისი დღესასწაულის დაწესების მოკლე ისტორია და გამოთქმულია ვარაუდი, რომ, არაა გამორიცხული, ეს ტრადიცია თავად საქართველოდან იღებდეს სათავეს. მსგავსი ტრადიციის ერთ-ერთი განუყოფელი ატრიბუტია დღესაც კი ჩიჩილაკი ანუ ქუჩური მეგრულად.

სტატიაში ხაზგასმულია, რომ სახელი ქუჩური, ანუ იგივე ხუჭუჭა მეგრულად, უფრო ძველია, ვიდრე ჩიჩილაკი. ეს უკანასკნელი, როგორც ქუჩურის ქართული სახელწოდება, დანამდვილებით ქრისტიანულ პერიოდს ეკუთვნის და წმინდა ბასილი დიდის სახელს უკავშირდება. მისი ხუჭუჭა ბურბუშელები მიჩნეულია წმინდა ბასილის წვერებად, მაშინ როდესაც თავად ქუჩურის აღმოცენება ისტორიულად, სავარაუდოდ, სრულიადაც არაა კავშირში არა თუ მარტო წმინდა ბასილის სახელთან, არამედ ასევე ქრისტიანობასთანაც საერთოდ. იგი გაცილებით ძველია და აშკარად მიეკუთვნება წინარექრისტიანულ პერიოდს. მისი ხუჭუჭა ბურბუშელები კი (ანუ იგივე წილამურები მეგრულად), დახვეულები კულულებივით საკუთრივ სწორედ სპირალურ ფორმაში თვით დედამიწის (და თავად მზისაც) ბრუნვის მიმართულებით, შედარებულია ე.წ. „პარკერის სპირალთან“ მათი საოცრად ზუსტი მსგავსების გამო. სტატიაში დანვრილებითაა დახასიათებული

ნამდვილი ანუ ისტორიული ქუჩური მთელი თავისი ატრიბუტიკით (განსაკუთრებით, „ჯვარი-ბორჯღალი“ ანუ იგივე „ჯვარი-ბარჩხალი“, „ჯვარი-სხივთმფრქვევი“ მეგრულად), როგორც თითქოსდა „მზე-ღვთის“ სიმბოლო.

ნაშრომში გაშიფრულია შობის მეგრული სახელწოდება ქირსე, როგორც „ნქირ სერი“ ანუ, სიტყვასიტყვით, „ღამის მატების შეწყვეტა“ მეგრულად, რაც სავსებით ზუსტად პასუხობს შობის თარიღის ასტრონომიულ შინაარსს. აქედან კი - სახელწოდებაც - ქირსიანობა ანუ იგივე ქრისტიანობა მეგრულად, თუმცა, ავტორის მტკიცებით, ეს ორი ტერმინი არსებითად განსხვავდება ერთმანეთისგან. „ქირსე“ და „ქირსიანობა“ იციან ლაზებმაც. ქირსა ანუ შობა აღინიშნება აფხაზებშიაც. ორივე მათგანმა იცის ქუჩურიც.

ქუჩური მზადდება ქირსე-კალანდას, ანუ შობა-ახალი წლისათვის, რაც ძველ კოლხთა, ანუ იგივე ქირსიანების, წარმოდგენაში სწორედ „ახალი მზის“ დაბადებას უკავშირდება. ქუჩურის გავრცელების საზღვრები დასავლეთ საქართველოს ფარგლებს არ სცდება. მაშასადამე, შესაბამისი ცნობიერებაც, ანუ იგივე ქირსიანობაც, მოიაზრება უწინარესად სწორედ ამავე საზღვრებში.

ქირსიანობა, როგორც წინარექრისტიანული პერიოდის სარწმუნოება, საკმაოდ მკაცრი და მონესრიგებული პატრიარქალური რელიგიაა და თითქმის მთელი თავისი ატრიბუტებით დღემდეა შემორჩენილი სამეგრელოში. მისი უმთავრესი დღესასწაულებია: ქირსე (შობა), კალანდა (ახალი წელი) და თანაფა (აღდგომა) - სიტყვასიტყვით - თენება მეგრულად („თანაფ“ სვანურად, თუმცა იგი სინამდვილეში სვანური სიტყვა არაა). მეცნიერებაში გავრცელებული აზრის საპირისპიროდ, რომ ტერმინი კალანდა თითქოსდა რომაული წარმომავლობისაა, ავტორის აზრით, იგი, სავარაუდოდ, წმინდა კოლხური სიტყვაა და სიტყვასიტყვით აღნიშნავს „ციური ცეცხლის, სითბოს და სინათლის დედამიწაზე ახალი ძალით მოსვლის დაწყების დღეს“, რაც, ასევე, სავსებით ზუსტად პასუხობს სწორედ ახალი წლის ასტრონომიულ შინაარსს. ავტორის აზრით, დღემდეა შემორჩენილი ასევე ქირსიანობის ძი-

რძველი სალოცავები და კანონიკური წესებიც, რომელთაც აერთიანებს ქცევის ნორმათა ერთგვარი სისტემა - საერთო სახელწოდებით - „ვაშინერს“. სავარაუდოდ, არსებობს „ქირსიანობის ბიბლიაც“. და ეს ნიგნია თითქოსდა სწორედ დღემდე საიდუმლოებით მოცული „წმინდა სწავლება“ - „ეფუთი“.

ავტორის აზრით, ქირსიანობის, როგორც რელიგიის აღმოცენება, სავარაუდოდ, ათასწლეულთა მიღმა იღებს სათავეს. იგი დანამდვილებით უნდა არსებულებოდა აიეტ მეფის პერიოდშიაც. ამის ერთ-ერთ უტყუარ საბუთს უნდა წარმოადგენდეს მისი მითიური წარმომავლობაც - იგი მზე ღმერთის - უთუს - შვილია და ოქრომრავალი კოლხთა მეუფე. საგულისხმოა ამ მხრივ მისი „ოთხბიბილოვანი ოქროს მუზარადი, ისე მბრწყინავი, როგორიცაა გვირგვინისებრი შუქი მზისა, ოდეს ოკეანიდან აღმოსვლას იწყებს...“ (აპ. როდოსელი). მსგავსი გვირგვინი ახურავს თავზე თითქმის ყველა ძველ მეფეს საქართველოში, მათ შორის, დავით აღმაშენებელს. სიმბოლურია ამ თვალსაზრისით ოთხბიბილოვანი ჯვარი-ბორჯღალი თავად საკუთრივ ქუჩუჩის თავზე და მზე მამის კულტთან მისი დაკავშირება და, ასევე, თითქმის ამგვარი ჯვარი-ბორჯღალი თანამედროვე ქართულ დროშაზეც.

ყოველივე ზემოაღნიშნულიდან გამომდინარე, ნაშრომში გამოთქმულია ვარაუდი, რომ წმინდა კოლხური მოვლენა ქუჩუჩი ანუ ჩიჩილაკი უნდა წარმოადგენდეს ასევე წმინდა კოლხური სარწმუნოების - ქირსიანობის სიმბოლოს, ხოლო თავად საკუთრივ ქირსიანობა - ქრისტიანობის უძველეს ფესვებს საქართველოში.

საკვანძო სიტყვები: ქუჩუჩი ანუ ჩიჩილაკი, ბურბუშელები ანუ წილაშურები, პარკერის სპირალი, ჯვარი-ბორჯღალი, ქირსე/შობა, კალანდა/ახალი წელი, თანაფა/აღდგომა, ქირსიანობა, ქრისტიანობა, ვაშინერს, ეფუთი.

K'UCH'UCH'I OR CHICHILAKI: A SYMBOL OF THE SACRED INDIGENOUS COLCHIAN FAITH – KIRSIANOBA?!

Milord Sichinava
Doctor of Economic Sciences,
Professor

RESUME

The article is dedicated to substantiating that one of the most ancient cult objects of the Christmas–New Year festival still preserved in Georgia – the k'uch'uch'i (in Megrelian) or chichilaki (in standard Georgian) – is in fact a symbol of the sacred indigenous Colchian faith known as Kirsianoba.

According to the author, the topicality of the subject is determined, among other reasons, by the completely inappropriate changes the tradition has recently undergone, as well as by the fact that, despite being nominated to UNESCO as an element of the Intangible Cultural Heritage of the nation, it has so far has not succeeded in obtaining that status.

The paper presents a brief history of the establishment of the Christmas–New Year (or, equivalently, Kirse-Kalanda) period (25 December – 6 January) and the corresponding festival, and puts forward the hypothesis that this tradition may well have originated in Georgia itself. Even today, an inseparable attribute of this tradition is the chichilaki, called k'uch'uch'i in Megrelian.

The article emphasises that the name k'uch'uch'i (or khuch'uch'a in Megrelian) is older than chichilaki. The latter, as the Georgian name for k'uch'uch'i, definitely belongs to the Christian period and is linked to the name of St Basil the Great: its curly shavings are regarded as St Basil's "beard". By contrast, the origin of the k'uch'uch'i itself is, historically speaking, most probably not connected neither with the name of St Basil nor with Christianity in general. It is far older and clearly belongs to the pre-Christian era. Its curly shavings (called ts'ilamuri in Megrelian), wound in spirals exactly in the direction of the Earth's (and the Sun's) rotation, are compared to the so-called "Parker spiral" because of their astonishingly precise resemblance.

The article describes in detail the authentic, historical k'uch'uch'i with all its attributes (especially the "cross-borjgali" or, in Megrelian, "cross-barchkhali" / "cross-ray-bursting" at the top), presenting it as virtually a symbol of the "Sun-God".

The work deciphers the Megrelian name for Christmas – Kirse – as n-k'ir seri, literally "the cessation of the lengthening of the night" in Megrelian, which corresponds perfectly to the astronomical meaning of the date of Christmas. From this derives the name Kirsianoba (the Megrelian equivalent of "Chiristianity"), although, according to the author, the two terms differ essentially from each other. Both the Laz and the Abkhazians also know the terms Kirse and Kirsianoba. The Abkhazians likewise celebrate K'irsa (Christmas), and both peoples are familiar with the k'uch'uch'i. The k'uch'uch'i is made for Kirse-Kalanda, i.e. Christmas–New Year, which in the worldview of the ancient Colchians (or Kirsianians) was associated precisely with the birth of the "New Sun". The area of distribution of the k'uch'uch'i does not extend beyond western Georgia. Consequently, the corresponding consciousness – that is, Kirsianoba itself – is primarily associated with exactly the same geographical limits.

Kirsianoba, as a religion of the pre-Christian period, is a rather strict and well-ordered patriarchal religion

whose attributes have survived almost intact to this day in Samegrelo. Its main festivals are: Kirse (Christmas), Kalanda (New Year) and Tanafa (Easter) – literally “dawning” in Megrelian (“tanaf” in Svan, although in reality it is not originally a Svan word). Contrary to the widespread scholarly opinion that the term Kalanda is of Roman origin, the author believes it is most probably a purely Colchian word that literally denotes “the day when celestial fire, warmth and light begin to return to the earth with new strength” – which again corresponds exactly to the astronomical meaning of New Year. According to the author, the ancient shrines and canonical rules of Kirsianoba have also survived to the present day; they are united by a system of behavioural norms collectively called „Vashiners“. It is even suggested that a “Bible of Kirsianoba” exists – the still shrouded in secrecy – the sacred teaching known as „Efut’i“.

In the author’s opinion, the emergence of Kirsianoba as a religion probably dates back millennia. It certainly existed already in the time of King Aeëtes. One irrefutable piece of evidence for this is Aeëtes’ own mythical descent: he is the son of the Sun-god Utu and the gold-rich ruler of the Colchians. Particularly noteworthy in this regard is the description of his “four-plumed golden helmet, gleaming like the crown-like radiance of the sun when it begins to rise from the ocean...” (Apollonius of Rhodes). Almost all ancient Georgian kings, including David the Builder, wear a similar crown on their heads. From this perspective, the four-lobed cross-borjgali placed on the very top of the k’uch’uch’i – and its association with the cult of the Sun-father – is symbolic, as is the almost identical cross-borjgali on the modern Georgian national flag. On the basis of everything stated above, the article puts forward the hypothesis that the sacred Colchian object k’uch’uch’i or chichilaki must also represent a symbol of the sacred Colchian faith – Kirsianoba – while Kirsianoba itself constitutes the most ancient roots of Christianity in Georgia.

Keywords: k’uch’uch’i or chichilaki, burbusheli or ts’ilamuri (curly shavings), Parker spiral, cross-borjgali, Kirse/Christmas, Kalanda/New Year, Tanafa/Easter, Kirsianoba/Chirisianity, Vashiners, Efut’i.

* * * *

ბოლო ხანებში საქართველოში წინასაახალწლო სამზადისისას, რაგინდ დაინტერესებულიც არ უნდა იყოს ადამიანი, ნამდვილ ჩიჩილაკს, ანუ იგივე ქუჩუჩს მეგრულად, სხირ შემთხვევაში, ძნელად იპოვის როგორც ქალაქად, ისე სოფლადაც. ყველა მათგანი უმეტესწილად სახეშეცვლილი და გარდაქმნილია. არადა იგი ასე უბრალო, ხელნამოსაკრავი ნივთი როდია. ქართველი კაცის ხელით ნაძერწი



სურ. 1. ტრადიციული მეგრული ქუჩუჩი

ეგზომ სათუთად, იგი ქართული გონის შემოქმედებითი გენიის ერთ-ერთი უბრწყინვალესი ქმნილება, წმინდა საკრალური დანიშნულების საგანი და დიდი სიმბოლური საზრისის მქონე ძეგლია, იმდენად დიდი, რომ მან სავსებით სამართლიანად დაიმსახურა წარდგენილყო იუნესკოში არამატერიალური კულტურული მემკვიდრეობის ძეგლის სტატუსით, თუმცა, რაოდენ გასაკვირიც არ უნდა იყოს ეს ფაქტი, მან ჯერ კიდევ, რატომღაც, ვერ მოიპოვა მსგავსი სტატუსი. ამიტომ, რიგ სხვა მიზეზთა პარალელურად, სწორედ ამანაც განაპირობა გარკვეულწილად მისი ღრმა კვლევის საჭიროება, რაც ამ ნაშრომის ერთ-ერთ უმთავრეს მიზანს შეადგენს.

ყოველი ცივილიზებული ერის ისტორიაში ახალი წლის დადგომა მუდამ იყო და კვლავაც იქნება ერთ-ერთი ყველაზე დიდი მოვლენა და დღესასწაულიც. თუმცა ახალ წელს ჯერ კიდევ სხვადასხვა ხალხი, რიგ შემთხვევაში, სხვადასხვა დროსა და სხვადასხვა სახით აღნიშნავს. მიუხედავად ამისა, თითქმის ყველა მათგანისათვის, ყველაზე მეტად მიღებულია მისი დაკავშირება ზამთრის მზის მობრუნებასთან, რაც, ფაქტობრივად, ემთხვევა პერიოდს დეკემბრის 25-დან 6 იანვრამდე და საქართველოში ისტორიულად მზე მამის ფეტიშს უკავშირდება¹. ქრისტიანული ერებისათვის და, მათ შორის

1 „წლისთვის დასაწყისად საქართველოში, როგორც საზოგადოდ ყველგან, სხვადასხვა დრო და რიცხვი იყო მიღებული. მაგალითად, წარმართულ დასავლეთში წლისთავი დაკავშირებული იყო ზამთრის მზის მობრუნებასთან, რომელიც 25 დე-

საქართველოსთვის, ესაა სწორედ შობა-ახალი წელი, რაც ამჟამად უკვე, საყოველთაოდ აღიარებული მეცნიერული გათვლებით, ახალი სტილით თითქმის მისი სავსებით ზუსტი ასტრონომიული თარიღიცაა და დაკავშირებულია ქრისტეშობასთან. ასე, რომ, ერთი შეხედვით, თითქოსდა არაფერია სადავო იმაში, თუ საიდან უნდა იღებდეს იგი სათავეს, ვინ დაადგინა და დააკანონა იგი მსოფლიოს ხალხთა ისტორიაში, მაგრამ ეს მხოლოდ და მხოლოდ ერთი შეხედვით. სინამდვილეში, როგორც ჩანს, საქმე სრულიადაც არაა ასე მარტივად, ვინაიდან, სავსებით დაბეჯითებით შეიძლება ვივარაუდოთ, რომ საქართველოში აღნიშნულ მოვლენას უფრო ღრმა და ძირძველი ფესვები უნდა გააჩნდეს. ამიტომ ამ საკითხებში გარკვევაც შობა-ახალი წლის დღესასწაულის აღნიშვნის ტრადიციების შესწავლით უნდა დაიწყო.

მსგავსი ტრადიციის ერთ-ერთი განუყოფელი ატრიბუტია ჩიჩილაკი ანუ ქუჩუჩი მეგრულად. სახელი ქუჩუჩი უფრო ძველია, ვიდრე ჩიჩილაკი². ეს უკანასკნელი, როგორც ქუჩუჩის ქართული სახელწოდება, უკვე დანამდვილებით ქრისტიანულ პერიოდს ეკუთვნის და წმინდა ბასილი დიდის სახელს უკავშირდება³. მისი ხუჭუჭა ბურბუშელები,

კემბიდან - იანვრის 6-მდე გრძელდებოდა. ხალხის რწმენით, ამ დროის განმავლობაში იბადებოდნენ მზის ღმერთები და ახალ წელიწადსაც მაშინ ეგებებოდნენ. ამ დღეს „ახალი მზის“ დაბადების დღეს უწოდებდნენ (სავარაუდოდ, არაა გამორიცხული, სწორედ ამგვარი რწმენა-წარმოდგენები საკუთრივ სწორედ საქართველოდან იღებდეს სათავეს - მ. ს.). სარწმუნოებრივ ცვალებადობასთან დაკავშირებით საქართველოშიც იცვლებოდა ახალ-წლის შეხვედრის დრო და რიცხვი. წარმართობის პერიოდში ჩვენში ახალ წელიწადს ეგებებოდნენ 11 აგვისტოს. VII საუკუნიდან - 1 სექტემბერს, შემდეგ კი, დაახლოებით IX საუკუნიდან საქრისტიანო ქვეყნებში წლისთავის დასაწყისად 1 იანვარი განესადა. ეს წელთაღრიცხვა, იო ა ნ ე ზ ო ს ი მ ე რ შედგენილი კალენდარის მიხედვით, საქართველოშიც X საუკუნიდან შემოღებული ყოფილა. ერთი სიტყვით, XI საუკუნიდან ჩვენში მიღებული იყო ორგვარი წელთაღრიცხვა, პირველი სექტემბერი და პირველი იანვარი. ერთი მათგანი განესაზღვრული იყო საეკლესიო წელთაღრიცხვისათვის და მეორე სამოქალაქოსათვის. მხოლოდ XVII საუკ. რუსეთის ეკლესიის ზეგავლენით სამოქალაქო და საეკლესიო წელთაღრიცხვის დასაწყისად ჩვენში პირველი იანვარი წესდება“ [5. 294].

2 ქ უ ჩ უ ჩ ი ყვავილები, თაიგული, ჩიჩილაკი, ქოჩორი, ქ უ ჩ უ ჩ ა ყვავილობა, ყვავილებით მორთვა-მოკაზმვა, ქ უ ჩ უ ჩ ე ლ ი აყვავებული, გაფურჩქვნილი, ქ უ ჩ უ ჩ ა ხუჭუჭა, თმაქოჩორა, ქ უ ჩ უ ჩ ი ა ქოჩორა, ხუჭუჭა მეგრულად. ალიო ქობალია. მეგრულ-ქართული ლექსიკონი. თბ., 2010; ქ უ ჩ უ ჩ ი, ქ უ ჩ უ ჩ ა კაცის (ალბათ, ხუჭუჭა მეკვლე ბიჭუნას, ან მეკვლე კაცის, როგორც „ღვთის კაცის“ პატივსაცემად?) სახელი სამეგრელოში [17. 210] და, ასევე, ქალის (როგორც, ეტყობა, სიტბოს, სინაზის, სილამაზისა და სიმშვენიერის და ა. შ. სიმბოლოს) სახელი სამეგრელოში [17. 306].

3 „ძველ საქართველოში, როგორც საზოგადოდ ყველგან წარმართულ ქვეყნებში, ახალ-წლის დღესასწაული დაკავშირებული იყო მზის ღვთაებასთან. ამიტომ მისი



სურ. 2. ქუჩუჩის, ანუ ჩიჩილაკის იმპროვიზირებული ვარიანტები

ანუ იგივე წილამურები მეგრულად, დახვეულები კულულებივით საკუთრივ სწორედ სპირალურ ფორმაში [9. 41] თვით დედამიწის (და თავად მზისაც) ბრუნვის მიმართულებით (მდრ. ე.წ. პარკერის სპირალი⁴), მიჩნეულია წმინდა ბასილის წვერებად [6. 295], მაშინ როდესაც თავად ქუჩუჩის აღმოცენება ისტორიულად, სავარაუდოდ, სრულიადაც არაა კავშირში არა თუ მარტო წმინდა ბასილის სახელთან, არამედ ასევე ქრისტიანობასთანაც საერთოდ. იგი გაცილებით ძველია და აშკარად მიეკუთვნება წინა-

რექრისტიანულ პერიოდს.

შობას მეგრულად ქირსეს⁵ უხმობენ, ხოლო ქრისტიანობას - ქირსიანობას. „ქირსიანე ვარეჟო, ნანა“ - „ქირსიანე არა ხარ, შვილო“ - დღესაც იტყვიან სამეგრელოში და ტერმინში ქირსიანობა ამ შემთხვევაში გულისხმობენ ქრისტიანობას, მაგრამ, სინამდვილეში ეს ორი სახელწოდება არსებითად განსხვავდება ერთმანეთისგან [(მდრ. [12.106], [1. 47-48]]). „ქირსე“ და „ქირსიანობა“ იციან ლაზებშიც. ქირსა ანუ შობა აღინიშნება აფხაზებშიც⁷.

შესაბამისი რიტუალები იყო შემუშავებული. მხოლოდ ქრისტიანობის გავრცელებისას წლის-თავი წმ. ბასილი დიდის ხსოვნას დაუკავშირეს და ამიტომ საჭირო შეიქმნა ამ დღის გადმოქრისტიანება. მაგრამ ეკლესიამ ეს სავსებით ვერ შეძლო ჩვენში. ამ დღესასწაულს სახე მოჩვენებით გაუქრისტიანდა, მაგრამ რწმენა წარმართული შერჩა (როგორც ჩანს, მისი დახვეწა-დამუშავებისა და სრულყოფილების გამო ათასწლეულთა მანძილზე დაუჯერებლად მაღალ დონეზე - მ. ს.). ამის საყურადღებო მასალა მოცემულია მეგრულ ახალწლის მიგებების წესებში, რომელსაც მეგრელები „კ ა ლ ა ნ დ ა ს“ უწოდებენ“ [6. 295].

4 „პარკერის სპირალი“ - ესაა მზის მაგნიტური ველი, რომელიც მზის ბრუნვის გამო სპირალურ ფორმას ღებულობს. იგი ამ სახით ვრცელდება კოსმოსში და, მათ შორის, დედამიწაზე. მზე გამუდმებით აფრქვევს კოსმოსში დამუხტული ნაწილაკების უწყვეტ ნაკადს, ანუ ე. წ. მზის ქარს, რომლის ბუნებაც მეცნიერთათვის ჯერ კიდევ ბოლომდე გარკვეული არაა. მისი არსებობა 1958 წელს პირველად იზინასწარმეტყველა ცნობილმა ასტროფიზიკოსმა, იუჯინ პარკერმა (1927-2022). იგი ჭიმავეს (და აშორიშორებს?) ამ ველის ხაზებს და მას ნაგრძელებული მრავალშრიანი, „ლამაზ-ხუჭუჭა“ სპირალის ფორმას ანიჭებს, რის გამოც იგი მეტაფორულად ხშირად შედარებულია ქალ-ფერიათა - ბალერინების მრავალფეროვან ლამაზ კაბასთან [18]. სიმბოლურია ამ თვალსაზრისით სიტყვა ქუჩუჩი, როგორც ქალის სახელი სამეგრელოში და თავად ქუჩუჩის საოცრად ზუსტი ანალოგია ამ მოვლენებთან.

5 „მდრ. აღდგომისა და შობის საყოველთაოდ ცნობილი განხილვა, როგორც კოსმიური მოვლენებისა და მათი დაკავშირება სასოფლო-სამეურნეო წარმოების პროცესთან. ინტერესს იწვევს ამ თვალსაზრისით შობის კოლხური სახელწოდებაც - „ქირსე“, - იგივე „*ნ-ქირ სე-*რი?“, ანუ ლამის მატების შეწყვეტა? მისი გაქვავება? გაყინვა? და ა. შ., ვინაიდან სიტყვა „ნქირაფა“, „გონქირაფა“ - გაქვავება, გაყინვა, ერთ ადგილზე დგომაა, ხოლო „სერი“ - ღამე კოლხურად, რაც საოცრად ზუსტად ესადაგება შობის თარიღის, - ანუ იგივე „დამორჩილი“-ს, „დღე-მცირის“, მამასადამე, დღის შემცირების და ა. შ., - ანუ იგივე შემოდგომის კოლხურად, - დასასრულის, - ასტრონომიულ შინაარსს“ (მდრ. [12. 92]).

6 „ლაზეთში ახლით ახალი წელი ნაკლებ მნიშვნელოვანია, მაგრამ შობას, რომელსაც ქირსეს ეძახიან, სრულიად განსაკუთრებულად ხვდებიან, თითქმის ისევე, როგორც მეგრელები, საერთოდ ქართველები.

დეკემბრის მინურულს, 28-29-თვის (! - მ. ს.) ლაზურ სოფლებში საახალწლო-საშობაო სამზადისი იწყება - მეზობელი თურქები ამ სამზადისს „გურჯულ“ ბაირამობას უწოდებენ. ოჯახის უფროსი, ან თუნდაც ახალგაზრდა წევრი, ოღონდ აუცილებლად მამაკაცი (რაც მის ხაზგასმით პატრიარქლურობას აღნიშნავს - მ. ს.), თხილის ხის ჯოხისგან თლის „ქუჩუჭულას“ (ჩიჩილაკი, მეგრულად „ქუჩუჩი“), რომელსაც თავზე ხისავე ჯვარი უკეთდება (როგორც ჩანს, მსგავსი ტრადიციების ლაზები დღემდე ქირსიანობის თაყვანისმცემლადაც რჩებიან - მ. ს.). ბარაქიანობის ნიშნად ჩიჩილაკის ბურბუშელაში ფულსაც დებენ (რაც მიანიშნებს აშკარა კავშირს სასაქონლო-ფულად ანუ იგივე საბაზრო ურთიერთობებთან - მ. ს.).

ჩიჩილაკს ქალები რთავენ, მაგრამ იმ დღის მერე ჩიჩილაკის დაშლამდე მათ არ შეუძლიათ ჩიჩილაკს თითივ მიაკარონ.

ლორს, ჩვენგან განსხვავებით, არ კლავენ, - „ჩვენ ვიცით, რომ ახლობელი მეგრელები ამ დღეს ღორს კლავენ“ - იმ ცნობილი მიზეზების გამო, რომ ჩვენთან ღორის ხორცი საერთოდ გამოყენებაში არ არის. ეს პირუტყვი მუსლიმანური სამყაროდან საერთოდ „ამოგდებულია“, - აცხადებენ ლაზები“ [3. 7-9]. ამდენად, ქირსიანობის ეს ელემენტი დღემდეა შემორჩენილი ტრადიციამდელ ლაზებშიც და იგი ამ სახით აშკარად აერთიანებს მათ გარკვეულწილად ერთიან საერთოქართველურ ოჯახთან წმინდა სარწმუნოებრივი თვალსაზრისითაც.

7 „ტრადიციული წლიური სადღესასწაულო ციკლი აფხაზეთშიც დეკემბრის მინურულიდან იწყება. თავდაპირველად იგი ზამთრის ბუნიობას უკავშირდებოდა, შემდგომში კი შობის დღეს - ქირსეს - აფხაზურად „ქირსას“.

ერთი შეხედვით, უცნაური ჩანს, რომ აფხაზეთში, სადაც ქრისტიანობამ ისე ვერ დაასუსტა წარმართული ზნე-ჩვეულებები, როგორც დანარჩენ საქართველოში (ამასთან აფხაზთა ნაწილი ისლამს მიიჩნევს თავის რელიგიად), შობა საერთო-სახალხო დღესასწაულივით აღინიშნება, მაგრამ ფაქტი სახეზეა - შობა დღეს (მართალია ოდნავ თავისებურად) აღნიშნავენ გუდაუთის თემშიც კი (იმ განსხვავებით, რომ საშობაო ღორს არ კლავენ). მაგრამ სხვა დანარჩენში აფხაზების საშობაო-სახალწლო რიტუალები და მისტერიები, ტერმინოლოგიისა და ლოცვის ფორმულების ჩათვლითაც კი, ძალიან ახლოა მეგრელთა წეს-ჩვეულებებთან.

საინტერესოა და მრავლისმეტყველი ისიც, რომ დეკემბერს - ქრისტეშობის თვეს, მეგრულად ქირსეთუთას, აფხაზურ კალენდარში ქირსამზა (ქირსა - ქირსე - შობა, ამაზ - თუთა - თვე) ეწოდება. აფხაზები ერთმანეთს შობას ულოცავენ სიტყვებით: ქირსაზხიალა! (ქირსე - ჯგირობუა, ქირსე ჯგირ თოლით გიჯინე, სიტყვასიტყვით: ქრისტე კეთილად გიმზერს) („ქირსე“ და „ქრისტე“ აღნიშნულ თარგმანში მიჩნეულია იდენტურ სიტყვებად, რაც, სავარაუდოდ, არაა ზუსტი. ამ შემთხვევაში უფრო სწორი ჩანს თარგმანი: ქირსე ჯგირობუა! ქირსე დღე კეთილი! - მ. ს.). (...).

ძველად (! - მ. ს.) აფხაზები შობის წინა ღამეს ადრე წეობდნენ, რომ შუალამით (! - როცა მართლაც და წყდება ღამის მატება, ანუ იგივე „ნქირუ სერი“ მეგრულად - მ. ს.), შობის (ანუ ქირსე დღის, უკვე დღის მატების დაწყების, იგივე

ორივე მათგანმა იცის ქუჩურიც⁸.

ქუჩური მზადდება ქირსე-კალანდას ანუ შობა-ახალი წლისათვის, რაც ძველ კოლხთა, ანუ იგივე ქირსიანების, წარმოდგენაში სწორედ „ახალი მზის“ დაბადებას უკავშირდება⁹. ქუჩურის გავრცელების საზღვრები დასავლეთ საქართველოს ფარგლებს არ სცდება [6. 299]. მაშასადამე, შესაბამისი ცნობიერებაც, ანუ იგივე ქირსიანობაც, მოიაზრება უწინარესად სწორედ ამავე საზღვრებში.

ქირსიანობა, როგორც წინარექრისტიანული პე-

რიოდის სარწმუნოება, საკმაოდ მკაცრი და მოწესრიგებული პატრიარქალური რელიგიაა და თითქმის მთელი თავისი ატრიბუტებით დღემდეა შემორჩენილი სამეგრელოში. მისი უმთავრესი დღესასწაულებია: ქირსე (შობა), კალანდა¹⁰ (ახალი წელი) და თანაფა (აღდგომა) - სიტყვასიტყვით - თენება მეგრულად („თანაფ“ სვანურად, თუმცა იგი სინამდვილეში სვანური სიტყვა არაა). დღემდეა შემორჩენილი ასევე მისი ძირძველი სალოცავები¹¹ და კანონიკური წესებიც, რომელთაც აერთიანებს ქცე-

„ახალი მზის“ დაბადების დღის - მ. ს.) დადგომას ფეხზე შეხვედროდნენ (მსგავსი ტრადიცია დღეისთვის არაა შემორჩენილი თავად სამეგრელოშიც - მ. ს.). საშობაო ლოცვა და მისტერიებიც ამ დროს იწყებოდა, რადგან ხსნილი დგებოდა. აბჟუაში - შუა სოფელში შობის დადგომის შემდეგ კლავდნენ საშობაოდ ნასუქ ღორს (სამეგრელოში მას კლავენ წინა დღით, ოღონდ აუცილებლად „გეკულა“, - იგივე „ეკულა“ - ასვლა მეგრულად, აქედან კი, როგორც ჩანს, სიტყვაც „ეკილესია“ - ავიდნენ მეგრულად და თავად საღვთო წმინდა ადგილის სახელწოდებაც - „ეკლესია“, - ანუ იგივე საეკლესიო: სამშაბათი, ხუთშაბათი, შაბათი და კვირა, - დღეს. თუკი ქირსეს წინა დღე არასეკლესიო აღმოჩნდა, ვთქვათ, პარასკევი, ღორს კლავენ სწორედ ხუთშაბათს, თუმცა მის ხორცს არ ჭამენ ქირსე დღიამდე. ქირსეს წინა დღით ხდება თავად ქუჩურის განყოფაც - მ. ს.), ბზიფის მხარეში თხას ან ხბოს. (...), საკლავის გარკვეულ ნაწილს, უპირატესად შიგნეულს, სახელდახელოდ მოხარშავდნენ, ღომს ჩაზელდნენ და სხვა კერძებით განწყობილ საშობაო სუფრას მიუსხდებოდნენ. ამის შემდეგ ისევ წვებოდნენ და გამთენიამდე იძინებდნენ, თუმცა დიასახლისი და ოჯახის თავი დღიამდე განაგრძნობდნენ ფუსფუსსა და მზადებას შობა დღის ლოცვისთვის“ [16. 11].

8 „თხირიში ქუჩური - თხილის ჩიჩილაკი აფხაზებმაც იციან, მათი საზრისითაც ეს მზის სადგომი წმიდა ხეა. იქ დღემდე ლოცულობენ არასაზე - თხილის ხეზე, ბოლო დრომდე არსებობდა საღვთო თხილნარები“ (იქვე).

9 ნამდვილი ანუ ისტორიული ქუჩური მზადდება სწორედ თხილის (როგორც მზის ძალთა მოჭარბებულად დამმარაგების ანუ იგივე კუმულატორის) ხისაგან (თუმცა მოგვიანებით მას ამზადებენ უკვე სხვა ხისაგანაც), რაც ადასტურებს არა მარტო თავად თხილის ხის სრულიად განსაკუთრებულ საკრალურობას ამ თვალსაზრისით, არამედ ასევე, დღეისთვის მთელ რიგ ხალხებში თხილის ნაყოფის საკმაოდ გავრცელებული სახელწოდების - „ბერძნული კაკალი“, საპირისპიროდ, ამ ჭეშმარიტად „საღვთო მცენარის“ ერთბაშად უტყუარ ენდემურობას საქართველოში. მისი ამგვარი თავყვანისცემა, როგორც ჩანს, დაკავშირებულია საერთოდ ხეთა თავყვანისცემასთან, რომელიც, მეცნიერებაში გავრცელებული აზრის თანახმად, სავარაუდოდ, თავის მხრივ, უნდა იყოს კავშირში მნათობთა თავყვანისცემასთან [6. 299], რაც უაღრესად საგულისხმო მითითებაა როგორც საკუთრივ წმინდა ბიო-სამედიცინო, ისე სახელდობრ სწორედ თავად ფსიქო-ენერგეტიკული თვალსაზრისითაც. მის ოთხ სწორ სეგმენტად (ანუ იგივე „ოთხოზორულად“ მეგრულად) გაყოფილ თავზე თხილის ხისავე „ჩაშენებული“, „სხივთა მფრქვეველი“ ჯვარი-ბორჯღალი (ჯვარი-ბარჩხალი? მეგრულად) (ბარჩხალი (ბარჩხალ/რს) კაშკაში, ბრწყინვა, ბზინვა, ელვარება; სხივების ფრქვევა [14]), თითქოს მისსავე ორგანულ ნაწილად, რიგ სხვა გარემოებათა პარალელურად, იმავდროულად ასევე მზის მიმართ დედამიწის ოთხ მხარეს უნდა გამოხატავდეს. მსგავსად საერთოდ ციური სხეულებისა, ნამდვილ ქუჩურსაც არ უნდა ჰქონდეს სადგარი - მისთვის მიჩენილ წმინდა ადგილზე მას მხოლოდ კრძალვით მიაყუდებენ (შდრ. [9.42], [6. 295]). მისი ურიცხვი სამშენისები: მორთვა-მოკაზმვა სხვადასხვა სახის ხე-მცენარეთა (თხილის, სუროს, ბროწეულის, დაფნის, თუთის, ვაშლის, მანდარინის და სხვ.) ტოტებითა და ნაყოფით, „მზისფერი“ ძაფი აბრეშუმისა, რომლითაც კრავენ მის წილამურებს (როგორც ვარაუდობენ, არაა გამორიცხული ეს უკანასკნელი კავშირში იყოს სულთგამოხმობის დღემდე მოღწეულ ტრადიციასთან სამეგრელოში), მრავლად ბრჭყვიალა სამკაულები (ნიშნად მზისებრი სიკაშკაშისა), უხვად გარშემო ტკბილეულობა (ნიშნად სითბოსი და თან სიტკბოსი, რასაც უგზავნის მზე დედამიწას) და სხვ., - და „სამეკვლეო ატრიბუტიკაც“; თეთრი ნათელი ხურდა ფულები (ნიშნად კავშირისა თავად სასაქონლო-ფულად, ანუ იგივე საბაზრო, ურთიერთობებთან და ამით, ასევე, თითქოსდა სწორედ „ფულის სიუხვით“ „კერის გაბრწყინებასთან“, რაც არ ახასიათებს ქრისტიანობას ასე გამოკვეთილად), კვერცხი (ნიშნად სიცოცხლის დღეგრძელობისა), სანთელი (ნიშნად სინათლის და თან სითბოსი და ამით ღმერთთან სიახლოვისა), სხვადასხვა სახის მარცვლეულობა, ღვინო ზედაშედ და სხვ., აშკარად ხდიათ თავად ქუჩურსაც საკუთრივ „მზე-ღვთის“ ნამდვილ სიმბოლოდ.

10 მეცნიერებაში გავრცელებული აზრის საპირისპიროდ, რომ ეს ტერმინი თითქოსდა რომაული წარმომავლობისაა („კალანდა - თვის პირველი რიცხვი“ [19. 82]. შდრ.: [9. 40], [6. 295] და სხვ.), სიტყვა კალანდა - იგივე „კი“-„ალ“-„ან“-„და“, - „კი“(მინა), „ალი“(ალი, ცეცხლი, სითბო და სინათლე), „ანი“(ცა) და „და“(დღა, დღე) მეგრულად, - როგორც ჩანს, დანამდვილებით წმინდა კოლხური სიტყვაა (შდრ. სახელი „ქიანა“ მეგრულად და „ანქი“ შუმერულად, ანუ იგივე სამშობლო, ქვეყანა, სამყარო, სადაც „ქი“-„კი“- მინაა, ხოლო „ანი“- ცა) [2. 103], [12. 93-94]) და სიტყვასიტყვით აღნიშნავს: „ციური ცეცხლის, სითბოს და სინათლის დედამიწაზე ახალი ძალით მოსვლის დაწყების დღეს“, რაც საესებით ზუსტად ასახავს სწორედ კალანდას, ანუ იგივე ახალი წლის, დადგომის ასტრონომიულ შინაარსს. წმინდა კოლხური წარმომავლობისაა ასევე, ეტყობა, ქირსე-კალანდას დღესასწაულთა ერთბაშად ძირძველი „ჰიმნი-ოდები“: „ალილოდა“ - ქირსესი (შდრ. სვანური ფოლკლორის შედევრი - „ლილეო“), ანუ, სავარაუდოდ, იგივე - „ალი ირო ორდა?!“ - სიტყვასიტყვით: „ალი, მუდამ იყავი?!“ მეგრულად, ანუ სხვაგვარად, თითქოსდა იგივე: „დაე, მუდამ იყავ, მზე!“ და „კირიალესა“ - კალანდასი, ანუ, სავარაუდოდ, იგივე - „კის ირო ალქ ესურას?!“ - სიტყვასიტყვით: „მინას ალი მუდამ ესტუმროს?!“ მეგრულად, ანუ, სხვაგვარად, თითქოსდა იგივე: „დაე, მუდამ ესტუმროს მზე დედამიწას!“.

11 ერთ-ერთი მათგანი, რომელიც აუცილებლად თავად „კალანდა“-ს (ძველით ახალი წლის) შემდგომ პირველ ორშა-

ვის ნორმათა ერთგვარი სისტემა - საერთო სახელწოდებით - „ვაშინერს“¹². სავარაუდოდ, არსებობს „ქირსიანობის ბიბლიაც“. და ეს ნიგნია თითქოსდა სწორედ დღემდე საიდუმლოებით მოცული „წმინდა სწავლება“ - „ეფუთი“¹³.

ძნელია იმის ზუსტი დათარიღება, თუ რა პერიოდს უკავშირდება ამ რელიგიის აღმოცენება, მაგრამ დანამდვილებით შეიძლება ვივარაუდოთ, რომ იგი ათასწლეულთა მიღმა იღებს სათავეს. ასევე შეიძლება დაბეჭდვით ვივარაუდოთ, რომ ქირსიანობა უნდა არსებულიყო აიეტ მეფის პერიოდშიაც. ამის ერთ-ერთ უტყუარ საბუთს უნდა წარმოადგენდეს მისი მითითური წარმომამელობაც - იგი მზე ღმერთის - უთუს - შვილია და ოქრომრავალი კოლხთა მეუფე [12. 99, 100, 105]. ინტერესს იწვევს მისი ხატსახეც აპოლონიოს როდოსელის „არგონავტიკის“ მიხედვით. საგულისხმოა ამ სახეშივე თვით აიეტის „ოთხბიბილოვანი ოქროს მუზარადი, ისე მბრწყინავი, როგორიცაა გვირგვინისებრი შუქი მზისა, ოდეს ოკეანიდან აღმოსვლას იწყებს...“ [8. 241]. მსგავსი გვირგვინი ახურავს თავზე თითქმის ყველა ძველ მეფეს საქართველოში, მათ შორის, დავით აღმაშენებელს (იხ. სურ. 3). სიმბოლურია ამ თვალსაზრისით ოთხბოლოვანი ჯვარი-ბორჯღალი თავად საკუთრივ ქუჩუჩის თავზე და მზე მამის

ბათს (თუთაშას მეგრულად) სრულდება, უშუალოდ სწორედ პირუტყვის (საერთოდ სიმდიდრისა და სიუხვის) მფარველ ღვთაებას - მთავარანგელოზ (იგივე „თარანგიოზ“ მეგრულად, - ვითომც და იგივე „თარგამოს?“ - შდრ. [7. 3]) მიქამგარიოს, იგივე მიქელ-გაბრიელს ეძღვნება. შდრ.: [11. 6], [12. 97], [13. 48, 180], [10.289], [4. 65] და სხვ.

12 „კოლხეთში დღემდე შემორჩენილი და ხშირ შემთხვევაში მტკიცედ დაცულიც ადამიანთა ცხოვრებისა და ქცევის ნორმათა ფრიად ამალეებული ზნეობრივი სისტემა, ერთგვარი „ღვთაებრივი კონსტიტუცია“, რომელსაც შეიძლება პირობითად „შინერების კოდექსი“ ეწოდოს და რომლის საზრისიც ისაა, რომ ნებადართულია (შინერს) მხოლოდ ის, რაც დაშვებულია ღვთის მიერ და არაა ნებადართული (ვაშინერს) სწორედ ის, რაც უფალს არ ესაიამოვნება, ან კიდევ უფრო უხეშად - აკრძალულია ღვთის მიერ. ადამიანთა ღვთაებრივი წმინდა ცხოვრების ასეთი უნიკალური სისტემა, რომელიც ფაქტობრივად საზოგადოებრივი ყოფის ყველა მხარეს მოიცავს, მისი ერთი შეხედვით თითქოსდა სრულიად უმნიშვნელო ნიუანსების ჩათვლითაც და თუნდაც ყველაზე მოწინავე და საყოველთაოდ აღიარებული თანამედროვე ფილოსოფიურ-ფსიქოლოგიურ-რელიგიურ და სხვა თვალსაზრისითაც დამუშავებულია გასაოცრად მაღალ დონეზე, სათავეს იღებს უდავოდ საუკუნეთა სიღრმეებიდან და ათასწლეულების მანძილზე მტკიცედ გადაეცემა თაობიდან თაობებს“ [11. 69].


13 სამეგრელოში დღესაც იტყვიან: „ეფუთის თაში მიშაჭარუნია“ - „ეფუთში ასე წერიაო“, თუმცა ვერსად შეგხვდებათ ადამიანი, რომელსაც იგი დანამდვილებით უნახავს, ან კიდევ, მეტიც, თუნდაც რაიმე ამოუკითხავს იქიდან. და, მიუხედავად ამისა, ამ საქმის რიგი ენთუზიასტი, უზომოდ დარწმუნებული მის არსებობაში, დღემდე მას დიდის თავგამოდებით დაეძებს.

კულტთან მისი დაკავშირება და, ასევე, თითქმის ამგვარი ჯვარი-ბორჯღალი თანამედროვე ქართულ დროშაზეც (იხ. სურ. 4).

ყოველივე ზემოაღნიშნულიდან გამომდინარე, მთლად უსაფუძვლო არ იქნებოდა გვეფიქრა, რომ წმინდა კოლხური მოვლენა „ქუჩუჩი“ ანუ „ჩიჩი-ლაკი“ უნდა წარმოადგენდეს ასევე წმინდა კოლხური სარწმუნოების - ქირსიანობის სიმბოლოს, ხოლო თავად საკუთრივ ქირსიანობა - ქრისტიანობის უძველეს ფესვებს საქართველოში.



სურ. 3. მეფე დავით აღმაშენებელი



სურ. 4. საქართველოს სახელმწიფო დროშა

ბამოყენებული ლიტერატურა:

1. იოანე ზოსიმე. ქებაი და დიდებაი ქართულისა ენისაი. - წიგნში: ქართული მწერლობა. ტ. 1, თბ., 1987.
2. ს. ნ. კრამერი. ისტორია იწყება შუმერიდან. თბ., 1988.
3. ლაზური ახალი წელი. ქუჩზულია თუ ჩიჩილაკი. თურქეთის მიწაზე შემორჩენილი ქრისტიანული ტრადიციები. ჟურნ. სამეგრელო. #1(48). 1.01.2016 - 1.02.2016. შდრ.: გაზ. „ხვალინდელი დღე“, # 7 (670), 15-17 იანვარი, 2005, „ოდიშინიუსი“.
4. მ. მაკალათია. მესაქონლეობასთან დაკავშირებული რწმენა-წარმოდგენები სამეგრელოში. - წიგნში: „სამეგრელო“. თბ., 1970.
5. ს. მაკალათია. ახალი წელიწადი საქართველოში. თბ., 1927. - წიგნში: ს. მაკალათია. სამეგრელოს ისტორია და ეთნოგრაფია. თბ., 1941.
6. ს. მაკალათია. სამეგრელოს ისტორია და ეთნოგრაფია. თბ., 1941.
7. ლეონტი მროველი. ცხოვრება ქართველთა მეფეთა. ტექსტი დადგენილი ყველა ძირითადი ხელნაწერის მიხედვით ს. ყაუხჩიშვილის მიერ. ტ. 1, თბ. 1955.
8. აპ. როდოსელი. არგონავტიკა. თარგმ., შესავალი, კომენტ. და საძიებელი აკ. ურუშაძისა. თბ., 1970.
9. თ. სახოკია. ახალი წელიწადი ანუ კალანდა სამეგრელოში. ჟურნ. „მოამბე“. 1897, # 1. - წიგნში: თ. სახოკია. ეთნოგრაფიული ნაწერები. 1956.
10. თ. სახოკია. მოგზაურობანი, გურია, აჭარა, სამურზაყანო, აფხაზეთი. თბ., 1950.
11. მ. სიჭინავა. ურანოსი, კრონოსი, ზევსი ანუ მინიშნებითი მხატვრული წარმოდგენები ანტიკურ მითოსში ფულის აღმოცენების ისტორიის შესახებ. ჟურნ. ეკონომიკა, 1994, # 6-8.
12. მ. სიჭინავა. სასაქონლო-ფულად ურთიერთობათა კანონზომიერი ისტორიული განვითარების საფეხურები საქართველოში. ჟურნ. ეკონომიკა, 1996, #12.
13. მ. სიჭინავა. საქართველო და ანტიკური მითოსი: სასაქონლო-ფულად ურთიერთობათა კანონზომიერი ისტორიული განვითარების საფეხურები საქართველოში. დის. ეკონ. მეცნ. დოქტ., თბ., 1999.
14. ო. ქაჯაია. მეგრულ-ქართული ლექსიკონი [3 ტომად]; [სარედ. საბჭო: თ. გამყრელიძე (მთ. რედ.) და სხვ.], თბ. 2001.
15. ა. ქობალია. მეგრულ-ქართული ლექსიკონი. თბ., 2010.
16. ნ. ქობალია. ქირსამზა - ქირსეთუთა, ქრისტეშობისთვე. აფხაზების საშობაო-საახალწლო მისტიკური. გაზ. „ჩემი აფხაზეთი“, რედ., მ. კორსანტია, 2020 წლის დეკემბერი.
17. ა. ლლონტი. ქართველური საკუთარი სახელები. ანთროპონიმთა ლექსიკონი. მეორე შვეს. გამოცემა. თბ., 1986.
18. Илья Усоскин. Юджин Паркер — человек и солнечный зонд. «Троицкий Вариант» Астрономия, Астрофизика, Люди Науки, №6(350), 2022. <https://surli.li/tjmzov>. Гелиосферный токовый слой. <https://surli.cc/quqtwg>.
19. Etimologikal Dictionary of latin and the other latin languages. By Michael de Vaan. Brill. boston. 2008.